



Na osnovu člana 69. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine" broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javnu nabavku usluga poštanske dostave izbornog materijala za glasanje putem pošte za Opće izbore 2018. godine od 30.04.2018. godine, Centralna izborna komisija Bosne i Hercegovine je na 17. sjednici održanoj 03.05.2018. godine, d o n i j e l a

O D L U K U o poništenju postupka

(1) Poništava se postupak javne **nabavke usluga poštanske dostave izbornog materijala na adrese biračima u inostranstvu za glasanje putem pošte za Opće izbore 2018. godine – LOT 1** izvršen primjenom pregovaračkog postupka za dostavu ponuda bez objave obavještenja o nabavci broj: 07-2-16-3-98-1/18 od 06.04.2018. godine, jer je ponuđena cijena ponuđača „JP BH Pošta“ d.o.o. u iznosu od 129.165,00 KM znatno veća u odnosu na osigurana sredstva za predmetnu nabavku, čiji iznos je 60.000,00 KM.

(2) Obavještenje o poništavanju iz stava (1) dispozitiva ove odluke objaviti na „Portal javnih nabavki“, u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“, broj 90/14 i 53/15).

O b r a z l o ž e n j e

Postupak javne **nabavke usluga poštanske dostave izbornog materijala na adrese biračima u inostranstvu za glasanje putem pošte za Opće izbore 2018. godine – LOT 1** izvršen primjenom pregovaračkog postupka za dostavu ponuda bez objave obavještenja o nabavci. Poziv za dostavu početne ponude je upućen na adrese tri poštanska operatera u Bosni Hercegovini. Do krajnjeg roka za dostavu ponuda, primljena je jedna ponuda ponuđača „JP BH Pošta“ d.o.o. Sarajevo u visini od 129.165,00 KM.

Procijenjena vrijednost javne nabavke je 60.000,00 KM, a na predmetne usluge se ne plaća PDV.

Komisija za javne nabavke imenovana Odlukom broj: 07-2-16-3-98-2/18 od 01.02.2018. godine izvršila je pregled i ocjenu ponude o čemu je sačinila Zapisnik o pregledu i ocjeni ponuda broj: 07-2-16-3-98-19/18 od 30.04.2018. godine, koji je u prilogu ove odluke. Obzirom da je evidentno da je cijena ponude znatno veća od osiguranih sredstava za javnu nabavku, Komisija za javne nabavke je i predložila Centralnoj izbornoj komisiji Bosne i Hercegovine donošenje odluke o poništenju ovog postupka u smislu člana 69. stav (1) tačka b) i stav (2) tačka e) Zakona o javnim nabavkama.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset dana od dana prijema ove odluke.

Broj: 07-2-16-3-98-19/18
Sarajevo, 03.05.2018. godine

Dostavljeno:

1. Ponuđaču

1. Na internet stranicu CIK BiH www.izbori.ba

2. a/a



Predsjednica

Dr. Irena Hadžiabdić